

# Wozjewjenja na 1. póstnej njedźeli, (21.02.2021)

1. Zašlu njedźelu běchu modlerske hodžiny před wustajenym Najswjećišim w Radworju. Wutrobne zapłać Bóh tón Knjz wšitkim, kotřiž su modlenje nawjedowali a wšěm wobdźělnikam.
2. Boža mša kotraž so w interneće na You Tube přenese je džensa w 9.00 hodž. z Chróscic. Link za scěhowanje Božej mše je:  
<https://youtu.be/fDw7TPOzj70>  
  
Link za Božu mšu kotraž so w interneće na You Tube džensa w 8.30 hodž. z Kulowa přenese je:  
<https://st-mariae-himmelfahrt-wittichenau.de/de/aktuelles/live-stream-der-sonntagsgottesdienste>
3. Póstne předowanja su we wosadze njedźelu na nyšporje w 14.00 hodž. w Radworju a štwórtk wječor na Božej mši we 18.30 hodž. w Zdžěri. Póstne předowanje a křižowy puć w němskej rěči je srjedu, 17. měrca w 18.30 hodž. w Radworju. Přěduje knjz farar Bernhard Dittrich. Swoje póstne předowanje dźerži farar B. Jakubaš njedźelu, 14. měrca na wšěch njedźelskich kemšach.  
Přeprašamy wšitkich wěriwych, wosebje tež wšitkich muži, kotřiž chcedza Jutry jako křižerjo swětej Chrystusa, dobyćerja nad smjerću wozjewjeć, na póstne předowanja.
4. W tutym tydženju su domawobstaranja: Póndźelu dopołdnja w Kamjenej, Boranecach, Lutobču a Měrkowje. Srjedu dopołdnja we Wulkej Dubrawje, w Komorowje, Zdžěri a Brěmjenju. Srjedu popołdnju w Małej Dubrawje a Nowych Boranecach. Štwórtk dopołdnja w Chelnje, Čornym Hodlerju, Łuhu a Radworju. Hižo wutoru dopołdnja w Radworju.
5. Na pjatkach w póstnym času dopomina zwonjenje w 15.00 hodž. na Jězusowe wumrěće na křižu a přepraša nas k modlitwje a rozpominanju.
6. Křižowy puć modlimy so w póstnym času w našej wosadze: wutoru we 18.30 hodž. w Radworju, srjedu we 18.30 hodž. w Zdžěri a njedźelu w 14.00 hodž. w Radworju. Na křižowy puć přeprašamy wosebje wutrobne tež wšitke džěci wosady. Srjedu rano modlimy so w póstnym času swjaty różowc w 7.05 hodž. do Božej mše w Radworju.
7. Džěcace kemše za přenjowoprawjenske džěci su štwórtk w 16.00 hodž. Po kemšach chce farar ze staršimi dalši přihot na přenje swjate woprawjenje wobřećec..
8. Wšitcy młodostni su sobotu w 19.00 hodž. na zhromadnu komplet do farskeje cyrkwy přeprašeni.
9. Wot štwórtka, 28. januara 2021 je winowatosć na wšěch Božich službach medicinske nahubniki (OP-maski, FFP2, KN95) nosyć. Samo šite płatowe nahubniki hižo njejsu dosahace.
10. Seminaraj k přirotej na sakrament mandželstwa wotmějetej so wot pjatka do soboty, 19. do 20. měrca, kaž tež wot 16. do 17. apryla, w Smochčanskim kubłanišću swjateho Bena. Přizjewjenja přijimuju so hač do póndzele, 1. měrca, jeničce online na internetowej stronje dekanatneho dušepastyrstwa. Link k wotpowědnemu formularj a k dalšim pokiwam je pod **www.posol.de** podaty.
11. Wutoru bě chowanje + knjeza Jana Wólmana z Łuha. Za njeho spěwamy džensa na Božej mši 9.00 hodž. kěrluš. **R.i.p.**
12. Štwórtk, 04.02.21 zemřě w starobje 74 lět knjz Manfred Pietschmann z Wulkeje Dubrawy. Chowanje popjelnicy budže pjatk, 26.02. w 10.00 hodž. we Wulkej Dubrawje. **R.i.p.**

Radworske

Wam pomhaja!

helfen euch!

## Corona Einkaufshilfe

0173/2428474



wot 10 do 14 hodź docpějomi  
von 10 bis 14 Uhr erreichbar



Lieferung nach Hause

Skazanka hač před durje!